

¡BOMBA!

El plan B, como vikingo, también tiene sus encantos; ya veremos, entre tantos, quién resucita el domingo



K'untzil

Edición de fin de semana, del jueves 14 al domingo 17 de abril de 2022

CAMPECHE · YUCATÁN · QUINTANA ROO · AÑO 7 · NÚMERO 1715 · www.lajornadamaya.mx

Ch'íich' k'ajóolta'an beey chipe amarilloe' yaan kex 43 u jejeláas láak'tsilil, ichilo'obe' ti' yaan le k'ajóolta'an xan beey chipe manglero, juntúul ch'íich' k'ajóolta'an tumen kaja'an tu'ux yaan chakte'ob, tu Petenil Yucatán, "bejla'e' ya'ab u k'askúunta'al chakte'ob, ts'o'okole' wa ktukultik beyka'aj u beeta'ale', lalaj ja'abe' ku k'astal ichil jump'éeel tak óoxp'éeel por siientoil ti' le chakte'ob yaan te'e patenila', le beetik xan u yotoch le ch'íich'o'oba' ku k'astal", tu tsikbaltaj Ernesto Gómez Uc, máax jo'olbesik u meyajil u kaláanta'al ch'íich' ti' Pronatura Península de Yucatán.

Kex tumen walkil ma' táaka'an ichil ba'alche'ob sajbe'entsil yanik u ch'éejelo'obe', Gómez Uce' ku ya'alik ikil kaja'an tu'ux sajbe'entsil tumen táan u bin u k'askúunta'ale', je'el xan u beeta'al k'aas ti'.

U k'u'uk'mel ch'íich'e' chak tu pool yéetel k'aank'an tu tseem, tu'ux xan u wíiwíts' chiikpajal chaki', ts'o'okole' k'a'anan tumen ku ts'áak u p'iis u yantal uláak' mejen ba'alob, je'el bix k'oxol yéetel ku k'i'itbesik i'inajo'ob.

K'AN CH'ÍICH'

CHIPE AMARILLO: ULÁANTÚUL BA'ALCHE' TI'AL U KALÁANTA'AL CHAKTE'OB



CECILIA ABREU

OOCHEL GREG LASLEY